

Chaw lag luam ntiav neeg lub luag num

Tom qab lub Ib Hlis Ntuj Tim 1, 2009, cov lag luam ntiav neeg yuav tsum taug qab kom paub tseeb hais tias cov neeg cog lus yuav ua hauj lwm nrog lawv puav leej yog cov neeg ua lag luam rau tus kheej uas muaj tsab ntawv ICEC tseem siv tau tam sim no. Raws li lub xeev cov kev cai pab nyiaj raug mob hauv hauj lwm, pab nyiaj poob hauj lwm, nyiaj xyoo thiab nyiaj raws teev thiab kev nyab xeeb ntawm txoj kev ua hauj lwm thiab kev noj qab haus huv, cov neeg ua hauj lwm uas tsis muaj tsab ntawv pov thawj kev zam yuav raug muab nws xam ua cov neeg ntiav ua hauj lwm los ntawm cov lag luam uas lawv cog lus ua hauj lwm nrog, tshwj tsis yog muaj lwm yam kev zam rau lawv.

DLI yuav zwm tseg cov neeg tuav cov ntawv pov thawj kev zam nyob rau hauv lawv qhov Web site. Thaum twg pom zoo muab lawm, yuav mus rub tau tsab ntawv ICEC ntawm www.doli.state.mn.us/ic. Cov lag luam nkag tau mus rau qhov chaw no mus tshawb taug qab kom paub tseeb txog tus neeg ua hauj lwm txoj kev thov tsab ntawv thiab lawv yuav tsum khaws cia tsab ntawv pov thawj mus txog tsib lub xyoos.

Cov kev nplua

Cov tib neeg thiab cov lag luam ntiav uas tsis ua raws li cov kev cai no yuav raug nplua txog \$5,000 rau ib zaug twg ua txhaum thiab yuav raug ceeb toom mus rau lwm cov chaw khiav dej num hauv lub xeev rau txoj kev foob mus tom ntej.

Cov ncauj lus sib cuag

Para conseguir los materiales para la solicitud del certificado, para comprobar el estado de contratista independiente de un empleado y para ver una lista de preguntas frecuentes visite

www.doli.state.mn.us/ic

Xav mus cuag tau DLI kom paub ntxiv txog tsab ntawv thov kev zam:

- e-mail: dli.ic@state.mn.us
- xov tooj: (651) 284-5074
- xov tooj xa ntawv: (651) 284-5749

Lwm cov ncauj lus qhia rau cov neeg ua lag luam rau tus kheej:

Minnesota Department of Labor and Industry
Workers' Compensation Division
Web site: www.doli.state.mn.us/indpcont
Xov tooj: 1-800-342-5354

Minnesota Department of Employment and Economic Development
Unemployment Insurance Division
Web site:
www.uimn.org/tax/hdbook/ind_contractor.htm

Minnesota Department of Revenue
Web site: www.taxes.state.mn.us
Xov tooj: (651) 282-9999

US Internal Revenue Service
Web site: www.irs.gov
Xov tooj: 1-800-829-1040


Tsab ntawv no muaj ua lwm hom xws li sau loj loj, sau rau cov lag ntseg dig muag xuas los yog kaw ua suab lus yog hu rau (651) 284-5005 los yog (651) 297-4198/TTY.

Phau ntawv no kuj muaj sau ua cov hom lus nram no:

- Mev (Español)
- Askiv (English)
- Russian (Русский язык)



Minnesota Department of Labor and Industry
443 Lafayette Road N.
St. Paul, MN 55155
www.doli.state.mn.us



WWW.DOLI.STATE.MN.US/IC

Yuav tsum muaj thoob plaws lub xeev

Pib txij li lub Ib Hlis Ntuj Tim 1, 2009, kom ua tau ib tug neeg cog lus sab nraud tuaj ua hauj lwm txua vaj tse rau pej xeem los yog rau lag luam cov vaj tse rau pej xeem nyob los yog cov tsev ua lag luam, tus tib neeg yuav tsum muaj Tsab Ntawv Pov Thawj Kev Zam Rau Cov Neeg Ua Lag Luam Rau Tus Kheej (Independent Contractor Exemption Certificate) (ICEC) los ntawm Minnesota Tuam Fab Txhawb Kev Ua Zog thiab Ua Lag Luam (Minnesota Department of Labor and Industry) (DLI). Txoj cai tshiab no tsuas yog muaj feem xyuam rau cov tib neeg ib leeg kheej xwb tsis yog cov lag luam muaj neeg coob sib koom, los yog cov sib koom ua lag luam ua ke los yog cov LLC.

Tsab ntawv ICEC yuav tso cai rau cov tib neeg ua lag luam rau tus kheej ua hauj lwm tam li ib tug neeg cog lus tuaj ua txoj luag num. Tus neeg muaj tsab ntawv pov thawj, ua hauj lwm tau ib yam li tus neeg ua lag luam rau tus kheej uas cog lus lees tuaj ua txoj hauj lwm los yog ua tau ib tug neeg ntiav los ntawm lub lag luam los ua hauj lwm. Tus neeg muaj tsab ntawv pov thawj txoj kev ua hauj lwm tam li ntiav ua hauj lwm los yog ua lag luam rau tus kheej yog nyob ntawm cov zwj ceeb hauv txoj kev tuav cov luag num. Kom ua hauj lwm tam li tus neeg ua lag luam rau tus kheej, nrog rau txoj kev yuav tsum muaj tsab ntawv ICEC, txoj kev ua hauj lwm yuav tsum muaj tsim nyog cuaj qhov tseem ceeb nram no.

Ua ntawv thov tsab ntawv pov thawj

Muaj cov ntawv thov tsab ntawv ICEC ntawm www.doli.state.mn.us/ic pib txij li lub Cuaj Hli Ntuj Tim 1, 2008.

Tsab ntawv thov thiab tus nqi txuas tshiab rau tsab ntawv ICEC yog \$150. Cov ntawv thov uas muab xa los yog muab xa raws xov tooj tuaj yuav muab los txiav txim seb pom zoo los yog tsis pom zoo ua 30 hnub txij li hnub DLI txais tau. Yuav tsum txuas tshiab tsab ntawv ICEC ob lub xyoo twg ib zaug.

Cuaj qhov tseem ceeb: Koj puas yog ib tug neeg ua lag luam rau tus kheej cog lus tuaj ua hauj lwm?

Kom ua tau ib tug neeg sab nraud cog lus tuaj ua hauj lwm, ntxiv rau txoj kev yuav tsum muaj tsab ntawv ICEC, ib tug tib neeg yuav tsum muaj tag nrho cov tseem ceeb nram no.

- tswj muaj ib lub lag luam nyob rau ntawm tus tib neeg lub chaw ua hauj lwm, muaj nws cov khoom ua hauj lwm, cov khoom siv thiab nyob rau hauv lwm cov chaw;
- muaj los yog thov tau tsoom fwv teb chaws tus zauv cim lub lag luam los yog tau ua se tam li ib lub lag luam los yog ua se tam li kev ua hauj lwm rov rau tus kheej nrog Tsoom Fwv Teb Chaws Chaw Sau Se (Internal Revenue Service) yog tias tus neeg twb yeej tau hauj lwm ua rau lub xyoo dhau los uas nws xav thov tsab ntawv ICEC rau;
- yeej tau muaj lus sib cog tseg ua tej txhia hauj lwm uas tau tej pob nyiaj uas tus tib neeg ntawd yog tus tswj xyuas cov kev khiav cov luag num;
- muaj cov nuj nqis uas tsub los khiav cov luag num uas tau muaj ntawm cov lus cog tseg;
- muaj txoj luag num ua tiav cov hauj lwm raws li cov lus cog tseg thiab ris lub nras uas yuav tsum ua kom tiav txoj luag num;
- tau nyiaj them rau lub dag zog raws li them ua dej siab los yog them rau txoj hauj lwm ua tiav raws li cov lus cog tseg los yog raws li cov nqi uas sib tw xav ua txoj hauj lwm thiab tsis yog them raws li lwm txoj kev;
- tau peev los yog poob peev los ntawm txoj hauj lwm cog lus ua tiav;
- lub lag luam muaj nuj nqis ntxiv los yog muaj hauj lwm ua ntxiv tsis tu ncua; thiab
- txoj kev vam meej los yog poob peev ntawm tus tib neeg lub lag luam yog nyob ntawm nws txoj kev ua hauj lwm nrog cov lag luam uas ntiav nws.

Kom tsim nyog tau tsab ntawv ICEC, cov tib neeg yuav tsum xa cov ncauj lus thiab ntaub ntawv qhia hais tias nws yeej muaj cuaj qhov tseem ceeb saum no.

Tsab Ntawv Pov Thawj Kev Zam Rau Cov Neeg Ua Lag Luam Rau Tus Kheej yuav muaj pib txij li lub Cuaj Hli Ntuj Tim 1, 2008, nyob rau ntawm www.doli.state.mn.us/ic.

